

上清靈寶大法卷之四十二



上清靈寶大法卷之四十二

靈六

洞玄靈寶法師南曹執法典者權童初府右翊治金名編

傳度對齋品

靈寶之道正屬洞玄然而貫三洞之樞機
涵諸經之奧妙自徐來勒真人付葛仙翁
而經教漸彰孝道明王授許旌陽而科法
大備可以安鎮天地保國寧家度死濟生
除邪輔正內鍊形氣外集萬神坐致自然
與道冥合是以得人乃授非才不傳經曰
至士齋金寶效心盟天而傳又曰若有至

人齋金寶質心依舊格告盟十天然後而
付焉蓋齋信所以寓誠盟天所以堅誓師
與弟子則飲丹以代軟血分環以示共盟
夫以金寶可捨心亦隨之質信不可闕也
富貴而吝財不當傳付寒棲而樂道豈在

靈六

齋金但中古以降三洞宣行授受之規合
分次第學則有序不可僭陞須先佩洞神
部諸階秘錄奉行正一諸法心志無惰利
濟有功方詣宗壇受中盟之秘錄進洞玄
之上品然後請保舉監度投師錄奏上穹

關申三界開壇傳授遷職奉行所謂告盟
十天即啓告十方靈寶天尊對天自誓也
分券破環則與弟子對誓之條非與天尊
分券也故有三皇版策思微定志之券既
係宗壇總教此等儀物並合隨錄出給今
更不編叙入法恐越傳法之科從靈寶經
格分真券五靈策杖合隨本法行用本法
印劍給帖補職不輕於授受之禮以崇乎
經法之宗也故法以傳度終之

嗣法弟子先請保舉監度師已定然後齋

香信詣師前投詞

具法位姓某

右某本命年月日時生本貫州縣坊郭居念
某夙藉善因獲陶真化身膺符籙職列班行
先曾投度師某人傳受某法奉行已久曲荷

靈六

二

保全深愧無功罔敢退惰謹齋法信恭瀝丹
衷仰叩師垣願行嗣受上清靈寶大法一宗
符圖印訣歸身修奉益勵素心共贊玄猷力
揚大教得法之後倘有輕泄漏慢妄傳非人
及不守正真混雜邪偽違盟負誓咎道怨師

則一身受風刀之誅九祖同酈山之罰謹具
狀申保舉師某君先生監度師某君先生度
師某君先生伏望師慈特與錄奏天關申牒
三界合屬真司開壇傳度施行謹狀

太歲年月日具法位姓某狀

度師受詞即啓告上帝高真錄狀奏聞申
牒三界

申奏大略格式

玉清聖境洞真元始天尊

上清真境洞玄靈寶天尊

太清仙境洞神道德天尊

太上昊天玉皇上帝

勾陳星宮天皇大帝

中天紫微北極大帝

后土皇地祇

靈六

已上七狀同式並詣天樞院

三

奏牘式

具法位臣姓某誠惶誠恐稽首頓首再拜

上言臣待罪靈班久無善行所宜省已豈

應接人蓋以教在敷揚事難寢抑敢騰凡

愍上冒

高穹臣謹據鄉貫叅受某錄弟子法職姓

某投詞伏爲自己本命年月日時生行年
幾歲昨曾投師傳受正法經今幾時幸沐
生成時獲通感茲願進傳上清靈寶大法

歸身修奉誓濟顯幽倘或泄於非人以正
混諸邪僞豐山甘罪重罰無詞據此堅誠
理宜付授臣擬遷補某人充靈寶中盟弟
子南曹執法典者爲職須至昧死錄狀上

奏

聖位玉陛下恭望

奏 慈允臣所奏容臣補授傳度施行臣干冒

宸天威下情無任戰慄待罪激切屏營之至謹

奏

太歲年月日具法位臣姓某 狀奏

右七狀內可漏各僉聖位方函並詣天樞

院請進

南極長生大帝 方函詣 南極帝闕

東極青宮太乙救苦天尊 東極青宮

十方靈寶天尊 十狀

九天帝九狀

三十二天三十二狀

木公一狀

金母一狀

奏狀式

靈六

具法位臣姓某

右臣謹據鄉貫云云同前狀至須至錄狀

上奏

聖位陛下恭望

道慈允臣奏請容臣補授傳度施行臣干冒

宸天道

威下情無任戰慄待罪之至謹奏

太歲年月日具法位臣姓某狀奏

右諸天尊天帝奏狀並同惟天尊作道慈

天帝作天慈金母睿慈十方九天若不能

專狀具奏則不可連作一狀大為不便本

公金母聖號奏申文檄品內具載

申上界狀

具法位姓某

右某謹據鄉貫云云同奏狀意所有本法

合用印篆謹粘連式樣在前須至錄狀由

聞者

右謹具申

三天門下秦玄都省主宰高真聖前恭望

真慈允今申請特與敷奏天闕取旨先次原

赦臣與嗣法弟子某人九玄七祖前世今生

靈六

五

一切罪惡許容傳度仍乞頒告諸天諸地日

月星辰三界三元十方世界應干合屬去處

依法照應施行某干冒真威不勝惶懼之至

謹狀

太歲年月日具法位姓某狀

中天大聖北斗九皇星君一狀

上元天官帝君中元地官帝君下元水官帝

君三狀

天蓬天猷翊聖真武四聖一狀

玄師天師經籍度師五師一狀

日宮孝道仙王專狀

月宮孝道明王專狀

九州都仙太史專狀

太極左仙翁專狀

三界大魔王一狀

五帝魔王一狀

右十二狀並同式若專狀與連狀非有輕重蓋上真所治各有其局使其曹局共一所始可共狀如日月異宮三官分府是不得不專狀也外有十方飛天神王合用十牒專行一如狀意更不具式

申狀式

具位姓某

右某謹據鄉貫云云並同奏狀意至須至

錄狀申聞者

右謹具申

中天大聖北斗九皇星君聖前恭望
真慈允今申請特與敷奏

上玄頒行三界各令依法照應施行仍乞恩
矜許容傳度其干冒

真威不勝惶懼之至謹狀

靈六

太歲年月日時具位姓某 狀六

申中界下界狀

地府北陰酆都大帝

水府東霞扶桑大帝

東嶽天齊仁聖帝

靈寶大法司

當司據云云同前至須至申聞者

右謹具申

北陰酆都大帝聖前伏望

聖慈允從申請特與行下九壘重陰六天十

洞泉曲冥關應干合屬去處依法照應施行

水府狀後改云行下三河九江五湖四海

川源溪洞下元水界應干合屬去處

東嶽狀後改云行下四嶽有司洞天福地

靈域名山天下祀典正神城隍社令應干

合屬

牒式

蒿里文人一牒

州縣城隍二牒

九州社令九牒

並請行下所屬分野應干

典祀正神祠廟郡邑城隍社令應干合屬去

舊大

七

處依法照應施行

其餘欲加詳更自隨事增益或兼傳別法

事屬他司者各自申牒可也

發放功曹關應干帖式例見奏申文檄品

茲不再錄

發奏已畢則擇日開壇傳度修設謝恩清醮至期按科奉行

上帝請醮狀式

具法位臣姓某

右臣先據嗣法弟子某人投詞乞傳上清

靈寶大法已於某日錄狀聞奏訖謹取某月某日就某處開壇傳度修設清醮上謝天恩須至錄狀上奏

上清靈寶天尊玉陛下恭望

道慈流光鑒映臣干冒

道威下情無任惶懼待罪之至謹狀

太歲年月日時具法位姓某狀

大恩上界高真請醮狀式

具位臣姓某

右臣先據云云同前至天恩除已再行具

奏外須至申聞者

右謹具申

三天門下泰玄都省主宰聖前恭望

真慈俯賜下臨證明傳度臣干冒

真威下情無任惶懼待罪之至謹狀

太歲年月日具法位臣姓某狀

中下界請醮狀式

靈寶大法司

當司先據云云同前至設醮謝恩須至申
聞者

靈六

八

右謹具申

東嶽天齊仁聖帝聖前伏望

聖慈特賜降臨證明傳度謹狀

具陳城隍社令等神合用者並用牒請醮

牒請照會幸垂臨賁歆納醮誠謹牒

醮中進狀

具嗣法弟子全函臣姓某

龍車一乘

右謹上進以聞謹進

太歲年月日嗣法弟子全銜臣姓某狀進

具度師法銜臣姓某

上界列真獻狀

具嗣法弟子銜臣姓某

金錢一分 雲馬一騎

右謹貢獻以聞謹狀

太歲年月日具嗣法弟子銜臣姓某狀

度師御位臣姓某

具嗣法弟子銜中下界列聖獻狀

具嗣法弟子銜姓某

金錢一分 雲馬一騎

靈六

九

右謹上獻伏惟

聖慈俯賜鑒納謹狀

太歲年月日前結

右式之外或列位神祇及諸司官將曹局
同所者連狀有遣發關引等並見奏申文

檄品

傳度合用法物

銀環二

徑二寸四分 鑿度師花押在上

銀龍頭書刀

一寸鋼鐵為刃長六寸銀作龍頭

黃絹券文

高九寸長七尺二寸鎮

絲三文六尺

青九赤三白七 皂五黃文二

鎮壇米

三斗六升

鎮壇錢

三千六百文

命綵一縑

嗣法弟子本命所屬之色全縑

則不論數 或隨年

靈書真券式

具度師銜位姓名押

太歲年月日

玄科律令

會一如

洞玄補職受事訖存留本司照

右分券合同係某人嗣行靈寶大法進品

朱篆靈書中篇真文

見玉文篆品
向右反書篆文

須至給券者


諸天送迎已補某人充

具嗣法弟子
新補職衍為職

永勤孝忠九祖蒙福靈書下處

準格嗣行靈寶大法進品洞玄陞秩仙

三天門下南曹



三天門下南曹

靈六

準格嗣行靈寶大法進品洞玄陞秩仙官

十

永勤孝忠九祖蒙福靈章下處

諸天送迎已補某人充

具嗣法弟子

為職

須至給券者

朱篆中篇真文

右合同真券付給弟子某人收執佩帶已後
五苦咸解三惡並原永滅罪籍度上生名劫
劫長存與天齊年急急如

太上勅令

太歲年月日

保舉師姓
名押

監度師姓
名押

度師姓
名押

此乃靈寶本法券文對天分之將右券度
師收之左券入儀付度嗣法弟子或度師

不必留存徑將右券用狀繳申上清天樞
院照應以爲弟子修仙學道之證落罪籍
上生名則易右券後語曰

右分靈書真券係法錄弟子某人嗣行上清
靈寶大法進品洞玄補職受事傳度禮畢畫
券示約爲弟子落滅惡根消除過籍修仙學
道所向圓成乞依

玄科施行

年月 餘同前式

環式

環者所以昭信誓如古人投璧爲盟之義
環上本圓無字今宗壇則鑿師押字於上
傳法亦然古人舍溥抱朴不事外飾凡事
尚質素而已至路真官編天心正法則環
上有字其文云天心正法萬神所宗盟天


靈臺

十一

而傳循環無終此亦用環之義然皆非古
式若靈寶乃洞玄之上品不宜隨俗行事
環以示信誓路君臨壇分券而不剖環其
意蓋謂旣分券合約矣不剖環亦可也環
則弟子佩之不渝盟而已高識之士更宜

詳酌而行

度師押字



書刀式



右書刀並以鋼鐵爲利刃却以銀爲龍頭
包其末之太半拜章亦同此式惟其有刃
可用故備儀以俟削治差誤況分券尤須
刃也今人銀葉爲之非也

補職帖式

靈六

十二

靈寶大法司

當司契勘鄉貫居嗣法錄弟子某人投詞
伏爲自身本命年月日時生夙藉善因獲
陶真化叨行正法濫綴靈班敢堅素誠荐
攄丹悃先已具申宗壇遷受中盟秘錄今

願進傳上清靈寶大法一宗符圖印訣皈
身崇奉期濟幽顯馘毒除妖輔道贊化如
敢參雜邪僞混亂神文或妄傳非人輕泄
天寶甘以身謝天地水府三官照得本人
誓辭堅篤誠心不回格許宣宏理宜接引
除已錄奏三天帝闕申牒三界合屬真司
依式開壇對天傳度合行補職受事給付
上清靈寶本法秘文合用印劍策杖須至
逐一開具給帖者

一其人已佩中盟秘錄今來進傳

靈寶大法依準

科格合行遷補靈寶中盟弟子南
曹執法典者為職

二 給付

上清靈寶大法一部

靈寶

十三

一 給付

靈寶大法司印一顆

通章印一顆 越章印一顆

黃神印一顆 神虎印三顆

一 給付

八景輝靈之劍長三尺六寸

一給付

五靈策杖隨身受持一如科法

一準

格洞玄弟子芙蓉冠紫帔三十二

條黃裳黃褐明光玉珪玉珮赤舄

一靈寶大法品屬洞玄總三洞之樞

機乃中乘之上法尊貴崇重不同

常科應有申告收治並合申三界

五帝大魔王依法牒所屬飛天神

王每遇給符呪水並關遣神王下
使者吏兵施行給降靈寶受事如
意大將軍隨行司領職

一進拜章書入室修存謁帝朝真飛
神啓事焚誦禱請召役神靈並合

關召三五功曹左右官使者侍香
金童傳言散華玉女五帝直符直
日香官依法奉行隨印受事事畢
復位應召即臨

一追取幽魂攝召魂爽並準科移牒

神虎何喬二大聖三部追魂使者
七司玉女齋持符札照應施行

二修齋設醮宣令傳符並隨事請降
十方飛天神王降真召靈符使玄
都金龍焚龍驛吏稟符受事宣傳

靈六

十四

事畢徑復元班

一靈寶官屬玉童玉女天將仙兵隸
屬上玄不同常職準依經格隨事
請降輔佐行持法師毋得叱咤指
呼其神不係凡世駐劄須當澄心

定息誦呪焚符臨目存思密行召
用行令已畢各復元班其餘經格
外妄稱將吏名目擅置仙曹有司
並不許隨俗混行違經雜用故爽
誓盟天不爾私

帖伏以皇人按筆真母戒經觀四譯而成書
爲三洞之要典和天安地福國寧家千聖攸
遵豈獨顯幽之俱利萬方取則實同今古以
蒙休嗣法弟子某人職品洞玄法遷靈寶誓
盟私著傳度已終事體非輕職位甚重所宜

永堅一志密練百神檢已修身毋違科而犯
戒濟人利物當立德而建功五帝大鷹察其
勤惰三官都禁糾其愆非謹秘專精萬无全
而三天錫召輕泄漏慢一身落而九祖罹棄
守而有常戒之無忽故帖

重六

十五

太歲年月 日帖

保舉師 具位 姓 名押

監度師 具位 姓 名押

度師 具位 姓 名押

籍師 具位 姓 名已羽化
不押

經師具位姓名

傳度開壇建醮或有力之家宿啓則預
行申發晚下敕水禁壇宿啓行科如齋
法次日昧爽登壇開啓三時行道朝真
懺悔謝恩有靈寶道場三朝科文可用
晚下設醮傳度尤為盡善往往世人傳
度多止於設醮而已故今具叙傳度醮
式即係受法傳度乃本法之事非黃籙
之儀今列于左

鋪設醮筵中列上帝兩廡設從聖或

六十分或一百二十分

中設三寶位置御按如齋壇式

設五師幕於壇左

神功妙濟真君太極冲應真人於壇
右或以五師與二位共幕亦可

排列請醮狀牒於師前次發牒道衆
師前立班

知磬舉法事

高功與弟子各上香致拜

高功長跪請牒 道衆捧狀牒華夏

至發牒所道職一員吟呪灑淨
知磬舉法事

高功焚降真召靈符變神召將

次宣白初獻法事

次再白亞獻法事

靈六

次三白終獻法事

宣關帖

高功遣發

弟子灌酌

焚燎
向來

十五

回回念善 晚下設醮如常式

上清靈寶大法卷之四十二



